


S**I O***Di Pueblo*

BRIYANDO FUERTE • TRECENDO CLARIDAD

Diarazon 2 Oktober 2019

Accidente banda di misa di Tanki Leendert



**Maduro ta pidi 200
miyon di dollar na
Nacionnan Uni pa repatria
Venezolanonan na Peru**



**FALTA 3 DIA.....
FESTIVAL DI RANCHERA... A LA GRANDE...
DEDICA NA SR. MIGUEL VAN DER LINDEN**

30 participante, Mariachi Perla di Aruba, canto y baile...

Diasabra 5 October den Club Caiquetio

Busca bo ticket pa Afl. 25.00 na: Ritz Boulevard, Top 95 FM na Sta Cruz.

Shaba Pastry na Noord y Gallo Rojo na San Nicolas

URATAKA CENTER
Batata yena
(beef), Aroz,
Berdura & Banana
TEL.: 585-5212

**Minister Dangui Oduber na Mervin
Wyatt-Ras**

**“Hopi curashi bo tin pa
acusa Dangui Oduber
riba e desaster cu e la
hereda na Hospital!”**

Prome Minister Evelyn Wever-Croes:

Vision di Innovacion y digitalizacion di Gabinete Wever-Croes ta
birando realidad cu pasonan grandi:

**PROME PASO GRANDI DI DIGITALIZACION
DEN DEPARTAMENTONAN DI GOBIERNO**



A celebra 25 año di concientisacion cu mas di 900 participante

Aruba Reef Care ta sigui aporta na proteha bida marina!



Diadomingo ultimo, 29 di septiembre 2019, a tuma lugar un grandioso celebracion. A celebra

presente.

Un idea entre dos aficionado di buceo y amante di lama 25 año pasa a bira realidad y a crece cu tempo den loke e ta awe cu ta inclui un programa di concientisacion henter año como tambe mas publicacionnan pa subi concientisacion di publico. Cu otro exitoso accion di limpieza tras di lomba, e team di voluntario di Aruba Reef Care Foundation ta satisfecho y ta mira dilanti pa otro año trece otro inacionnan y cambionan den operacion.

E evento ta wordo organiza anualmente un team grandi di voluntario cu ta yuda coordina e evento, bou liderato di Castro Perez y Byron

Boekhoudt. E año aki a fungi como Project Coordinator Veronica Perez, cu a haci un tremendo trabou, door di comunica via e-mail y telefoon cu e hotelnan, restaurants nan y a zorg pa regista voluntario. E otro voluntarionan cu a yuda coordina e accion di limpieza, e año aki tabata di DLVV Santa Rosa, Ludwig Rasmijn, di parti gobierno tabata Haime Fingal y Francis Curiel di DTI, ademas a yuda Maria Ridderstap, Carmen Benavides, Anna Maria Giel, Afranina Henriquez y Geofrey Ho-Asjoe.

Danki di curason na tur voluntario y sponsor, cu asina Aruba su beach y lamanan tin menos desperdicio un biaha mas.

E año aki atrobe hopi sushi a ser colecta rond henter Aruba, for di tras di Faro California, Arashi, Malmok, Palm Beach, rond di Bubalplas, Beach di Tamarijn bai te ex Bushiri Resort, For di Wilhelmina Park bai pa Neptali Henriquez Park, e area rond di Surfside beach, Marina Pirata pa Mangel Halto, Isla di Oro, Santo Largo, Rogers Beach, Baby Beach, Santa di Cacho, Grape Field, Plastic Beach, Boca Grandi y te na Cerro Colorado. Tabata mas di 900 participante regista cu a forma 40 grupo y na mas di 36 localidad, tabata visibel tur caminda den nan t-shirt colorido, patronisa door di ATA y su campana di Ban Serio!. Tur participante tambe a haña lunch box y bebita

refrescante, cortesia di hotel y restaurantnan cu a sponsor e evento.

Organisadornan ta gradici tur voluntario cu a yuda. Tambe e sponsornan principal manera Aruba Tourism Authority (ATA), y Mourik Aruba NV, kendenan desde inicio di e proyecto ta aporta. Total Services, RBC Royal Bank, DLVV Santa Rosa, Serlimar N.V., Centro di Pesca Hadicurari, Vissers Pharma N.V. Aruba Airport Authority, Aruba Ports Authority, Bix Brandsimport N.V., Aruba Wine & Dine, Eco Tec, Mayoria di Hotelnan, Restaurantnan, Companianan di watersports, Neptali Henriquez Park y otronan. Sin nan contribucion, e evento no por tabata exitoso.

Accidente banda di misa di Tanki Leendert



Diamars mainta algo pasa di 7'or informacion a drenta di un accidente serio altura di Misa di Tanki Leendert.

Mesora polis a cuminsa bay e direccion y na yega da enberedad a bin topa cu dos auto cu hopi daño material. Un indicacion cu e impacto tabata uno fuerte.

Loke nos a comprende na e sitio tabata cu e Chevrolet Spark shinishi tabata bayendo pariba y pa motibonan desconoci a hala na su man robez. Aki ta unda el'a dal por bisa frontal contra un Toyota Tercel.

Den e Spark tabata tin un dama na stuur y un mucha di mas o menos 10 año.

E dama a dal su pecho hopi duro y tabata keha di masha dolor mes. Pa


loke ta e mucha e tambe a resulta herida y tabata keha dolor di cabez debi na e impacto el'a a dal su cabez.

Mientras tanto ambulancenan a yega na e sitio di accidente.

Materiaalwagen di Brandweer a ser pidi door cu e dama chauffeur di e Spark a keda pega den e auto. Despues di algun rato y bao guia di un Paramedico bomberonan a yuda libera e dama.

Ambulancenan na e sitio despues di a stabiliza e dama herida a sali tanto cune y e mucha pa Hospital.

Chauffeur di e Tercel a wordo controla na e sitio mes door di otro Paramedico.



ANUNCIO

Yom Kippur

En conexion cu e dia sagrado di Yom Kippur tur sucursal di CMB lo ta cera pa publico riba diaranson 9 di october, 2019.

Na e comunidad Hudiu di Aruba nos lo kier deseja un ayuno facil y scrito seyado.

Bo banco **amigo**



Cuminsando cu 4 florin, bo por gana e suma grandi aki

Afl.

415.000,-

Obtenibel na cualquier rebendedo di Lotto.



Sorteo ta awe noch



Homber canando a bay a bira malo Playa Pabao



Dialuna atardi algo prome cu 5'or polis a bay den area nobo na Pos Abao pa Playa Pabao, unda un homber canando a bay a bira malo. Na prome instante a pensa cu auto a dal e.

Na yegada di polis a resulta cu e anciano a bira malo y no por a sigui cana mas.

Parce el'a haya un dolor fuerte den su lomba banda drechi.

Polisnan na e sitio a pidi pa ambulance

poco pura, debi cu ta trata di un persona di edad. Mirando cu e caminda tabata cayente, agentenan a habri un laken, y a trata na convence e cabayero pa drumi warda ambulance.

Rapid Responder a yega pa duna prome asistencia debi cu e otro dos ambulancenan tabata ocupa. Despues di warda un poco un ambulance a yega y a transporta e anciano pa hospital, pa mira kico a pase.



RENT - RENT

RENT ME WASTE CONTAINERS



10 YARDA 165
WEEKENDS SPECIAL FRIDAY TO MONDAY

RENT ME
WASTE
CONTAINERS

TELEFON:
5634201 - 5603500

RENT - RENT - RENT - RENT - RENT - RENT - RENT

OXY +

TA EXTENDE SU PRODUCTO
NA HULANDA,
NA EUROPA
Y NA MERCA



CUMPRA BO CAHA
DI OXY + CU BO
VISA OF MasterCard
Y HANJA UN
DESCUENTO DI
\$200

BAI RIBA E WEBSITE
LIFEFACTORS.NET
Y PRIMI E BUY
BUTTON GRANDI
ORANJO

BUY



www.lifefactors.net

Minister Dangui Oduber na Mervin Wyatt Ras

"Hopi curashi bo tin pa acusa Dangui Oduber riba e desaster cu e la hereda na Hospital!"

Minister Dangui Oduber a keda hopi asombra y sorprendi pa mira cu netamente miembro di parlamento di partido di AVP a bai papia di e proyecto di hospital

Tempo Wyatt Ras tawata presidente di parlamento a nenga fraccion di MEP un reunion riba proyecto di hospital y laga nan warda mas cu 1 año pa yama e reunion.

Awe e gobierno aki a hereda un proyecto cu stempel di AVP. Un proyecto caminda desde principio nos a anticipa loke ta pasando. Un proyecto caminda Mike Eman, Benny Sevinger y Alex Schwengle a pone nan firma abou.

E proyecto awe ta uno cu a trece hopi contratiempo. E planificacion cu a wordo aproba pa Benny Sevinger ta loke a causa cu awe nos

tur tin cu bai paga 110 MIYON florin extra pa e proyecto di hospital aki. Cu e suma di placa aki nos por a construi un otro hospital na Santa Cruz of Paradera. Pero awor aki nos simplemente tin cu paga e suma adicional aki pa negligencia, falta di atencion y planificacion di parti gobierno di AVP.

Ta un hilaridad pa scucha Wyatt Ras ta papia di falta di atencion sabiendo cu ora e gobierno aki a drenta, e proyecto tawta den pleno construccion. Tur acuerdo a wordo firma, tur huurovereenkommst a wordo firma y també e contrato entre SOGA

y Arellano.

Nos mester recorda Wyatt Ras cu su colega Benny Sevinger a scohe pa Arellano cu a bid 36 miyon florin mas cu e otro compania.

Awe nos tin un proyecto cu lo wordo investiga pa di e forma aki nos yega na e raiz di esnan responsabel pa tur loke a bai robez den e proyecto aki.

Sra Wyatt Ras mester por sa mihor y kier hunga politica barata cu e problema di hospital cu ta afecta nos tur. Na final di dia nos tur tin cu bai paga e debe cu a wordo crea pa Mike Eman!



ESPACIO PA HUUR A BASE PERMANENTE

ESPAZIO NA HUUR PA OFICINA PA LUNA

MFA NOORD:

TAMAÑONAN DI ESPACIO

33.5 M² 22 M²

MFA NOORD



MFA PARADERA:

TAMAÑONAN DI ESPACIO

15 M² 22 M²
25 M² 25 M²



MFA SAVANETA

MFA SAVANETA:

TAMAÑONAN DI ESPACIO

9.3 M² 25.2 M²

Pa MAS INFORMACION JAMA
TEL: 2810002



BUREAU
Multifunctionele
Accommodatie

Homber ariba bais a cay muri altura di Royal Plaza



Weststraat - Diamars marduga un security a bati alarma na Polis cu un persona ariba bais a cay y no ta reaccion. Trinta minuut a pasa, nada nada di polis. E sitio? Ey mes den Playa, cerca di Royal Plaza.

Parse cu un rato prome e persona aki tawata na Citgo Boulevard y a cumpra algo di come y tambe di bebe. Segun informacion no oficial elo a bisa cu e no tawata sinti bon.


Asina mes ela subi su bais y bay ariba, altura di e Joyeria pabou di Royal Plaza ela cay cu su bais y no a move mas.

30 Minuut Security den e area cu a mira kiko a pasa mesora a avisa polis. Elo a bisa polis cu posiblemente lo

por ta trata di un "adicto" cu a cay cu bais y no ta reaccion. Ora cu e security a mira cu 30 minuut a pasa y polis no ta bin a bay over na yama 911.

Na yegada di Ambulance e Paramediconan ta hayanan cu un curpa cu ya ta frieu! Dus, ta basta rato e ser humano aki a keda benita ariba caminda pa su cuenta.

Durante cu Paramediconan tawata na e sitio a bolbe yama polis. Y ora a splican kiko a pasa, den menos di 3 minuut polis a yega y mesora bay over na cera e area pa asina cuminsa investiga. Ariba e video por mira momento cu Paramediconan ta tapa e curpa prome patruya ta



yega.

na e sitio.

Despues na e sitio un hefe di polis yega y tawata muestra preocupa, y e tawata haciendo varios pregunta na e agentenan

Dokter Texier lo a keda di yega pa asina constata morto.

E persona tawata tin sla

na cabes y posiblemente man fractura, no ta conoci si esaki a bin door di e caida fuerte. Ta trata di un homber rond di 65 aña di edad.

IPA ta tene su anochi di informacion tocante e 21+ Toets dia 2 di october

Bo kier haci e estudio pa Maestro di Enseñansa Primario durante aña academico 2020-2021 y no tin diploma sea di HAVO, VWO of MBO nivel 4 pero bo tin minimo 21 aña? Ata bo chens! Tur persona cu tin desde 1 di september 2020 minimo 21 aña y cu kier haci un estudio na IPA pero no tin e diploma cu IPA ta exigi, ta bin na remarke pa haci e asina yama 21+ Toets. E 21+ Toets ta midi si un persona tin e nivel di HAVO y ta conta solamente pa e estudio inicial cu IPA ta

ofrece durante aña academico 2020-2021, esta e estudio pa Maestro di Enseñansa Primario.

Diaranson dia 2 di october 2019, IPA ta tene un anochi di informacion na unda lo splica kico e 21+ Toets ta encera. Alabes lo elabora riba contenido y trata ehempel di tarea di diferente materia cu ta forma parti di e 21+ Toets. E anochi di informacion aki ta un ripition di esun di dia 28 di augustus. Esaki ta nifica cu si bo a asisti e anochi di informacion di dia 28 di au-

gustus bo no lo mester asisti esun di dia 2 di october. E anochi di informacion ta cuminsa 7or di anochi y lo tuma luga na IPA (Isaac Wagemakerstraat 11, San Nicolas).

Durante e anochi aki lo tin oportunidad pa inscribi pa e 21+ Toets. Pa por haci esaki mester trece e papel di registro civil (papel di AWG 5,-) y AWG 75,- p'asina cumpli cu e gastonan di inscripcion. E ultimo fecha pa inscribi pa e 21+Toets ta dia 1 di november 2019. Despues di e fecha aki no por inscribi



mas pa aña academico 2020-2021.

Pa mas informacion por tuma contacto cu Studenten Services na 5243100 of por

bishita nos pagina di facebook 'Instituto Pedagogico Arubano' of nos website www.ipaaruba.com.

Maduro ta pidi 200 miyon di dollar na Nacionnan Uni pa repatria Venezolanonan na Peru

Nicolas Maduro a pidi di-aluna na Nacionnan Uni 200 miyon di dollar pa repatria e Venezolanonan cu a emigra pa Peru, huyendo di e crisis economico cu e pais aki ta bibando.

"Dunami e recusonan, si boso dunami 200 miyon di dollar mi ta trece tur e Venezolanonan di Peru den avion dentro di un luna," e lider di e regimen Chavista a bisa durante un rueda di prensa na Caracas.

T ambe, el a dirigi e solicitud aki na e secretario general di Nacionnan Uni, Antonio Guterres, na e alto comisionado pa e Derechonan Humano, Michelle Bachelet, y na e agencia di refugiadonan di Nacionnan Uni (UNCHR).

"Mi ta pone 10 of 15 avion di 300 cupo y mi ta trece tur. E plan "Vuelta a la Patria" tin un limitacion, cu nos no tin suficiente avion pa trece e lista di mas di 100 mil Venezolano cu a inscribi pa bin bek," el a precisa.

Nicolas Maduro a condena un biaha mas e "xenofobia" cu e Venezolanonan a sufri na Peru, unda cu mas of menos 850 mil ta biba, algn den cual a sufri, el a denuncia, di "descriminacion y explotacion salbahe."

Mi tin cu señala cu Peru, banda di Colombia y Ecuador, ta tres di e paisnan di e region cu a ricibi e mayor volumen di e mas di 4 miyon di Venezolano cu, segun Nacionnan Uni, a bandona e pais den e ultimo añanan.



FROM FUN TO FUNCTIONAL



CHEVROLET TRAX®

STARTING AT
AWG 46,700

ABS brakes, Air-conditioning, Aluminum wheels 16 inch, Anti theft alarm, Chevrolet Infotainment system with Bluetooth connectivity, 6 speaker sound system, Front airbags for driver and passenger, Halogen headlamps with daytime running lamps, Immobilizer, Premium ride, Remote audio control at the steering wheel, Roof rails.

FIND NEW ROADS

CHEVROLET 

STERN 

TANKI LEENDERT 122, ARUBA
T: 582-3838 • WWW.CHEVROLETARUBA.COM • CHEVROLET ARUBA

Prome Minister Evelyn Wever-Croes:

Durante reunionnan na Nacionnan Uni na New York:

PROME MINISTER A ATENDE REUNIONNAN RIBA DIFERENTE NIVEL RIBA E TEMA DI VENEZUELA

Durante e reunionnan na Nacionnan Uni na New York siman pasa, Prome Minister Evelyn Wever-Croes a atende tambe riba diferente nivel cu e tema di e crisis di Venezuela y e impacto cu esaki tin na Aruba.

Entre e reunionnan cu a tuma lugar riba e tema aki, tabata un reunion ministerial di paisnan den Caribe hundo cu Under Secretary of State señor David Hale. E puntonan principal cu a wordo comparti den e reunion tabata e vulnerabilidad cu ta existi door di e situacion actual di nos pais bisiña Venezuela y tambe e preocupacionnan di Gobierno Mericano tocate e situacion aki. A enfatiza e importancia pa tene cuenta cu paisnan chikito manera Aruba cu ta hopi cerca di Venezuela, lo wordo impacta door di cualquier decision cu Merca tuma.

Tambe Prome Minister a reuni cu Embahada di Reino na Washington, señor André Haspels for di ken Prome Minister a ricibi un update di informacionnan riba e desaroyonan di Venezuela cu ta yuda Aruba tin un mihor bista riba loke ta sosodiendo na Venezuela. E situacion na Venezuela ta hopi critico y cu e sancionnan nobo cu a wordo poni y cu lo wordo poni ainda, e situacion lo bira mas tenso.

Un otro reunion riba e tema di Venezuela, tabata cu ex Presidente di Merca, señor Bill Clinton di Clinton Foundation. A discuti riba e riesgonan



cu e crisis di Venezuela por tin den nos region, specialmente riba economia di nos pais. Gobierno di Aruba ta keda busca formanan conhunto pa fortifica economia di paisnan chikito den region pa ta mas prepara pa cualquier eventualidad.

Durante e reunion cu Minister di Relacionnan Exterior di Reino Stef Blok hundo cu Prome Minister di Corsou Eugene Rhuggenaath y Prome Minister di Sint Maarten Leona Marlin-Romeo, tambe a elabora riba e riesgonan cu tin den nos region pa cu e situacion dificil na Venezuela. Riba e tema di frontera, a palabra cu frontera ta keda cera por lo pronto. E tema di Visa pa esnan di Venezuela tambe a ser menciona. Di parti di Aruba, tabata insistente den e peticion na Reino pa introduci Visa pa Venezolanonan pa motibo cu esaki lo duna proteccion na nos pais di esnan cu ta bin aki y haci cosnan ilegal na nos pais. Riba esaki, tin consensus den Reino y awor ta trahando riba e implementacion di Visa pa Venezolanonan.



Dentro di poco esaki lo keda cla.

"Aruba na e momentonan aki ta convivi cu nos

pais bisiña Venezuela, pero aworaki nos mester tene cuenta cu Aruba prome, pasobra si nos no haci'e, niun hende

ta haci'e pa nos", Prome Minister Evelyn Wever-Croes a expresa.

Aruba Bank orguyoso di sigui aporta na deporte FitVille Caribbean Championship 2019 cu resultadonan exitoso



Recientemente a tuma lugar e FitVille Caribbean Championship 2019 y a conta cu participacion di atletanan tanto local como internacional. Pa 3 dia largo e atletanan a participa den diferente workouts na Centro Deportivo Betico Croes.

E prome dia a tuma luga e competencia di "Freak'ng Race" y "12 minute AMRAP", unda cu e atletanan mester a haci diferente ejercicio cu Aruba Bank a patrocina. E di dos dia tabata ejercicionan di "Evil Cousins", "On a running clock o to 14" cu Urgent

Care Aruba a bini cun'e. Un otro evento cu nan a participa na dje tabata e "trail run" y e "shake your sand".

Pa di 2 aña consecutivo Aruba Bank ta forma parti di e competencia grandi aki y a partner up un biaha mas cu nan. E competencia di fitness ta creciendo na Aruba y hopi persona a presenta pa apoya tur atleta. Nos felicita e organizadoran, e ganadonan, participanten y tur publico presente di a haci e FitVille Caribbean Championship 2019 uno exitoso.



PUEBLO A HAÑA SU PEN BEK

Pa kualquier informacion
solodipueblo@gmail.com
of
585-9500

Booshi Wever:

MAKINARIA DI PROPAGANDA DI OTMAR A CAMBIA DI TACTICA: KILL THE MESSENGER WEVER

E ultimo dos dianan nos por a tuma nota di e racha di articulonan y video na unda e makinaria di propaganda ala Goebels di Otmar ta trata na desvia atencion di e motibo y consecuencia cu e ley cu lo wordo debati den parlamento lo bay nifica pa nos pueblo. Otmar, manera ta su custumber, ta ataca e mensahero sin cu na ningun forma ta contradeci e ponencianan presenta.

Nos a tuma nota cu ta purba di brainwash na prome lugar e trahadornan di Serlimar y despues nos pueblo, bisando cu sin e cambio di e ley aki, existencia di Serlimar ta na peliger y cu ta dor di e cambionan aki existencia ta wordo sigura!

Wel wel! Bay tin curashi!! Ta e ley "Instelling Serlimar, AB 2005 no.5" a percura cu e desangramento cu a tuma lugar dor di e gobierno di Henny Eman, a ser para. Danki Dios cu na 2001 a bin un gobieno nobo cu a pone bida bek na Serlimar. E ley di

2005 cu a haci Serlimar un "zelfstandige bestuursorgaan" (ZBO) a trece salbacion. E tempo ey AVPOR no a vota na fabor y Otmar tampoco, pasobra e hundo cu Tico Croes kier a "get rid" di Serlimar y bin cu Aruba Bunita NV, cu nos a tendé admiti esaki tambe, pero papiando comosi fuera cu e no tabata parti di esaki. Esaki ta un manipulacion den optima forma. Es mas e ley di 2005 a percura pa e companianan priva riba e tereno aki, tambe funciona banda di Serlimar.

E intencion di Otmar ta conoci. Esta sigui privilegia su sponsornan di carnaval cu e.o. contract miyonario na Sero Teishi. Pa paga mas di 15 miyon na e mesun sponsor pa e incenirator chikito cu Otmar a "sjo-emel" y via corucion administrativo a dune. Pa cubri e huur exorbitante di e edificio na Pos Chikito, tambe cerca finanziador di campana y e posternan pa su amiguito haya pa por print, etc etc.

E cambio di ley no tin nada di haber pa garantisa existencia di Serlimar, pero pa Otmar keda complace cu e miembranan di su Cartel cu awor a wordo amplia cu e compania STRANHERO cu lo bay haya un MONOPOLIO riba e desperdicio cu Aruba ta produci.

Y "guess what", Serlimar lo no tin NINGUN beneficio "whatsoever". E cambio aki ta pa yena saco di e MULTINACIONAL stranhero aki. Dios sa cuanto ta keda tras pa yena saco di Otmar. Kizas ta p'esey el a rabia cu "La Familia" pasobra Otmar a bira mucho "greedy"? Pakico nos ta bisa esaki. Desde cu Otmar tabata den forma parti di AVPOR, e compania cu awe e kier saca su gal riba dje tabata wordo privilegia. E mesun modus operandi a wordo sigui ora a cera un contrato miyonario cu nan. Aki e ruman di Otmar tambe ta den touw!! Y awor diripente e mesun hendenan aki a bira



diablo!! Wel wel.

Nos no mester defende e compania aki, nan mes lo por haci esaki, loke si nos ta haci ta informa y adverti pueblo di e VENENO cu tin scondi den e cambionan di ley di Serlimar. Si enberdad e tarifanan y esnan inscribi na KvK ta e salbacion di Serlimar y ta urgente pa pasa esaki, pakico anto no ta pasa esey so y laga e parti cu ta regla e MONOPOLIO y e Serli-bank afo por lo

pronto!! Pero no ta e dos asuntonan ey ta e intencion real di Otmar.

Ta p'esey diaranzon dia 2 di october 2019 ta un dia importante. E dia ey nos lo haya sa kende ta para pa e pueblo y kende ta para pa e compania STRANHERO y pa yena saco di Otmar. Corda e caso di HOH ta identico, a deal cu mafia, a usa yen di "sprookjes-verhalen" y mira kico a pasa y ta pasando!



**NOTICIA
IMPACTO**

RADIO ARUBA 91.5FM
E VOZ DI PUEBLO
JHON WATTS
IMPACTO CROSSOVER

Parlamentario Rocco Tjon:

Ponencianan di Colegio di Supervision Financiero no ta cuadra Gastonan di personal di Sociaal Crisis Plan no ta forma parti di e presupuesto

Sociaal Crisis Plan ta wordo scrutina y cuestiona pa e Colegio di Supervision financiero temporal y sin base, segun Rocco Tjon lider di fraccion di MEP. E ta comenta cu minister di finansas, economia y cultura, Xiomara Ruiz-Maduro a sali na splica esaki detayadamente si man pasa, cu pa diferente motibo e ponencianan di e colegio di supervision no ta cuadra pa e simpel motibo cu den ningun palabraciōn y den e protocol cu a wordo firma tampoco, ta papia cu e gastonan di personal relaciona na e sociaal crisis plan, mester forma parti di e presupuesto.

Completamente al contrario, segun Tjon. Pero ta importante pa splica e importancia ci e sociaal crisis plan, cu por cierto a conta cu e aprobacion unanime di e parlamento di Aruba.

E sociaal crisis plan ta un plan cu a wordo presenta y aproba pa e motibo cu pais Aruba ta enfrentando diferente problemanan social.

31 proyecto pa ta specifico

ta wordo subsidia door di e plan aki y proyectonan cu a wordo diseña pa e veld social mes.

Ta apoyo cu nan tin mester di dje. Adicional, e ponencianan cu ta wordo treci p'adilanti cu e sociaal crisis plan lo ta un instrumento politico pa tuma hendenan den servicio, tampoco no ta cuadra. Esaki ta e fondo cu tin mas transparencia den dje. Cada cuartal, e minister di asuntonan social, sr. Glenbert Croes ta bin parlamento, ta splica exactamente, detayadamente con e fondonan aki ta wordo uza.

Ta papia awor aki di gastonan di personal den e sociaal crisis plan di 1.8 miyon florin y te hasta e ta specifica ki tipo di profesionalnan ta wordo emplea door di e plan aki.

Ta papia di esnan cu a sigui riba estudio di HBO. Ta haya psicologonan pa sostene voogdijraad, pa sostene Bureau Sostenemi. Profesionalnan na KIA pa asina por duna e cuido especialmente pa e detenidonan hoben.

Asina den cada departa-

mento tin empleadonan specifico pa un temporda, cu ta wordo emplea. E ponencianan, den e caso aki di e Colegio di Supervision Financiero temporal, no ta cuadra pa e motibo aki awor aki nan kier bin cu un aanwijzing.

Segun Tjon, Fraccion di MEP ta sigui sostene e Sociaal Crisis Plan por completo, mas ainda mirando e transparencia cu e minister di asuntonan social, Glenbert Croes ta ofrece den esaki tambe, caminda den e ley di e fondo aki a wordo angra, cu e minister ta bin parlamento, pone tur documento na disposicion di parlamento, pa asina por mira especificamente cada florin cu ta wordo uza den e proyecto aki.

Segun Tjon, na prome luga, e no ta ni e minister cu ta emplea e profesionalnan aki. Ta for di veld e plan aki a wordo traha y ta e veld mes a señala kico ta e ayudonan cu nan tin mester pa asina surpasa e retonan social cu nan ta enfrenta.

Pa e motibo aki no ta mira ningun base di e Colegio



di Supervision pa pidi un aanwijzing riba con e sociaal crisis plan ta wordo ehecuta.

Al contrario, como gabinete, Gabinete Wever-Croes a baha e deficitnan, caminda cu tabata tin un averahe di riba 200 miyon florin pa aña awor aki ta papia aki di un surplus na 2020.

Por mira cu e maneho cu ta wordo hiba ta sumamente responsabel. Pa e motibo aki ta vocifera cu sigur ta keda sostene e sociaal crisis plan, pa e motibo cu e ta un plan cu a nace for di e veld, for di e profesionalnan di e veld social y cu ta netamente

pa por surpasa tur e retonan social cu pais Aruba ta confronta.

Despues cu entre otro Hulanda mes permiti tambe pa nos conoce retonan financiero economico y retonan social, e ta inaceptabel cu como pais awor aki, como Colegio di Supervision financiero, kier boicotea e plan aki tambe, cu ta un plan hopi transparente, pa por surpasa e retonan social.

Tjon kier a enfatisa e parti aki, caminda cu ta papia di fondonan cu ta wordo aloca pa 31 proyecto, tur proyecto cu tin un balor agrega den e cadena social pa asina por surpasa e retonan social.

For sale
Isuzu Truck 2006,
automatic
Running condition
Afl. 22.500
Phone; 7390101



Hende a pensa cu ta malo ela bira, pero esaki no tawata e caso



Kibaima - Diamars merdia algo prome cu 2'or por a mira varios hende rond di pick up color cora altura di ex B55 na Kibaima.

Na prome instante a pensa cu e persona lo a bira malo.

Na yegada di polis a resulta cu e cabayero aki tawata pata pata manera nan ta bisa aki na Aruba.

Agentenan a pidi un Transportwagen pa hibe warda di Santa Cruz, unda elo pasa algun rato den cel hunto cu e sanguranan.



RENT - RENT

RENT ME WASTE CONTAINERS

10 YARDA 165
WEEKENDS SPECIAL FRIDAY TO MONDAY

RENT ME
WASTE
CONTAINERS

TELEFON:
5634201 - 5603500

RENT - RENT - RENT - RENT - RENT - RENT - RENT

ARUBA

Dienst Burgerlijke Stand en Bevolkingsregister
Schoolstraat 2
Aruba

Technische upgrade ID-Kaarten

Vanwege een technische upgrade, worden de ID-kaarten vanaf 30-09-2019 voorzien van een extra kenmerk. Aan de achterkant van de kaarten is een uitsparing geplaatst waarin het kaartnummer dat op de voorzijde is vermeld door middel van de zogenoemde laser engraving technologie herhaald wordt.

Dus zowel op de voorkant als de achterkant van de ID-kaart is het kaartnummer geplaatst.

ID-kaarten die al eerder zijn uitgereikt blijven geldig cfm. de op de kaart vermelde geldigheidsduur. Bovenstaande wijziging heeft dus geen invloed op de geldigheidsduur van de bestaande kaarten.


Hieronder is de uitsparing te zien waarin het kaartnummer van de voorkant aan de achterkant wordt herhaald.

Voorkant - en Achterkant ID-kaart

Prome Minister Evelyn Wever-Croes:

Vision di Innovacion y digitalisacion di Gabinete Wever-Croes ta birando realidad cu pasonan grandi:

PROME PASO GRANDI DI DIGITALIZACION DEN DEPARTAMENTONAN DI GOBIERNO



Diamars mainta, a tuma luga un conferencia di prensa di Gobierno di Aruba na unda cu Minister Otmar Oduber a haci un anuncio importante pa loke ta trata innovacion y digitalisacion di e departamentonan cu ta cay bou di Ministerio di Infraestructura y Medio Ambiente. Prome Minister Evelyn Wever-Croes a wordo invita pa Minister Oduber pa ta parti di e anuncio importante aki, como cu e mandatario principal ta e minister encarga cu innovacion y organizacion gubernamental. Na comienso di gobernacion, Prome Minister a cuminsa traha mesora riba su vision pa innovacion den gobernacion. Un vision cu ta wordo realisa cu stapnan grandi y importante.

"Awe ta un dia grandi. Awe nos ta haci e prome paso pa loke ta vision di digitalisacion di Gabinete Wever-Croes.

Den cooperacion di e varios departamentonan bou ministerio di Infraestructura y Medio Ambiente, awe a logra e paso importante aki", Prome Minister a expresa.

Awe ta un milestone importante pa locual ta trata nos proyecto di eGovernment. Diferente pasonan significante lo tuma luga den luna di october, entre otro: Comienso di trayecto di digitalisacion di Ministerraad - eCabinet; Ministerio di Husticia tambe pronto lo cuminsa cu digitalisacion; Ministerio di Infraestructura lo cuminsa opera completamente digital; Nos pilot pa cu e infraestructura tecnologico principal pa eGovernment lo cuminsa e luna aki.

"E proyecto aki ta sumamente importante, Innovacion ta cay bou di encargo di mi ministerio, y den colaboracion

cu otro ministerionan y departamentonan nos ta duna realse na nos vision", Prome Minister a duna di conoce.

Na Januari di e año aki Gobierno a cuminsa cu e assessment cu ayudo di e-Governance Academy di Estonia pa desaroya un road map cu lo fiha e vision y cuadro di maneho pa cu eGovernment pa Aruba pa termino largo. E fase aki (FASE 1) tabata un trayecto intenso cu awo ta den fase final y ta conta cu apoyo di henter Gobierno, Departamentonan y stakeholders crucial. En total mas cu 120 persona a participa den e assessment aki pa yuda defini nos road map.

Den transcurso di e siman aki y otro siman e task forcenan oficial lo wordo formalisa pa asina hunto por bay over na implementacion. Na october e prome pilot project lo cuminsa pa asina

desaroya e infrastructura principal, y ta premira cu den 6 luna por termina e testing y training di personal pa cu e sistema nobo aki pa e por bay live. Esaki ta 2 luna mas trempan cu a wordo anticipa.

Dia 25 di october nos lo tin un stakeholder meeting unda cu lo presenta e road map y duna un presentacion di e proximo fasenan y con nos ta bay logra e metanan stipula y tambe con sector priva y entrepreneurs por beneficia di eGovernment

"eGovernment tin prioridad halto pa nos gobierno y tin varios proyecto den pipeline caba cu lo percura pa e ciudadano haya un miho servicio y un miho calidad di bida. Na Nacionnan Uni durante siman di Asamblea General, nos a ricibi hopi elogio pa nos vision y plannan di eGovernment y tambe nos a ricibi e compromiso di entre otro UNDP cu nan lo yuda nos

cu implementacion di nos plan. Comunidad lo cuminsa ripara mas y mas departamento ta den proceso di digitalisacion. Tur esaki ta parti di e plan integral di eGovernment.

Poco poco nos ta bay ta elimina papel y para den rey pa oranan largo of bay di un oficina di Gobierno pa otro lo pasa pa pasado. Esaki lo duna un empuhe enorme na nos economia y lo trece mas transparencia den gobernacion", Prome Minister Evelyn Wever-Croes a termina bisando.

Minister Otmar a duna un presentacion di e proyecto aki na unda cu el a ricibi e prome documento for di Director di DOW señor Marlon Croes. Prome Minister a felicita Minister Otmar Oduber cu e prome paso importante aki di digitalisacion di e departamentonan cu ta resorta bou di dje.



Parlamentario Richard Arends

Raad van State ta conseha pa no accepta 'Geschillenregeling'

Den luna di juli ultimo un delegacion di Parlamento di Aruba a participa den tratamiento di e rijkswet encuanto areglo di disputa den Tweede Kamer. Prome cu proceso legislativo continua den Eerste Kamer, Raad van State a informa Gobierno Hulandes pa reconsidera seriamente ley di areglo di disputa. Particularmente e amienda presenta pa delegacion di Aruba.

E desaroyo aki ta demuestra y ta un ehempel con e sistema democratico vigente den Reino tin cu traha compara cu loke a bin ta tumando luga recientemente pa loke ta e ley di supervision financiero unda Parlamento a aproba un amienda cu sosten di Gobierno y awor gobierno di Reino a pidi pa su anulacion," Parlamentario Richard

Arends a declara.

"Manera ta conoci Parlamento di Aruba tabata riba un liña indicando cu e areglo di disputa manera cu el a wordo presenta, no tabata cumpli cu acuerdonan haci den IPKO pero tampoco cu palabracionnan haci na nivel di gobierno," miembro di Parlamento, como tambe miembro di delegacion, Sr. Richard Arends, a mustra durante conferencia di prensa di fraccion di AVP.

Tweede Kamer a aproba e amienda 'Thijssen es.' caminda ta institui un seccion nobo den Raad van State, caminda na momento cu tin un disputa riba interpretacion huridico di Statuut of di otro reglanan Constitucional den Reino, e lo por wordo treci na e Afdeling



Koninkrijks geschillen aki. E afdeling aki lo por duna den caso di un areglo di disputa un conseho na Conseho di Minister di Reino cu den rasonnan hopi excepcional, lo por desvia di e recomendacion hasi. Raad van State sinembargo a desconseha esaki, pasobra e por trece henter e areglo di disputa den peliger y ta considera esaki no deseabel. Raad

van State ta conseha governo Hulandes pa reconsidera e henter e Rijkswet. Gobierno Hulandes tin dos opcion: gobierno por retira e ley aki y consecuentemente lo no tin ningun areglo di disputa; of ta laga e proceso sigui pa Eerste Kamer. Eerste Kamer por dicidi di no acepta e ley aki manera cu el a wordo presenta y mande

bay Tweede Kamer pa e wordo atende di nobo. "Nos ta sperando pa mira kico lo bay ta reaccion di Gobierno di Reino riba e asunto, pero hecho ta Rijkswet Geschillenregeling manera cu el a wordo aproba den Tweede Kamer, su chens pa e bira un realidad, ta hopi hopi chikito na e momentonan aki," Parlamentario Arends a indica.

Wind Creek Crystal _Jeep



Diadomingo dia 29 September, 2019 WindCreek Crystal y Seaport Casino a finalisa nos Campanja di "Rolling in the Jeep", unda a saca 10 ganador cu a participa pa gana e Jeep Wrangler 2019.

Durante nos evento exitoso cu a tuma lugar den Renaissance Convention Center nos cliente Sra. Myrna Hoen a bira e feliz doño di e Jeep Wrangler 2019. Den e campanja aki a reparti un total di mas

di \$25,000 entre e 9 otro ganador nan. Wind Creek Crystal y Seaport casino kier a gradici tur nos cliente nan pa a deposita nan confiansa serka nos. Un palabra di pabien na nos felis ganador nan.



Felis ganadora Sra. Myrna Hoen huntu cu nos Casino Manager nan di Wind Creek Crystal y Seaport Casino Sra. Haidi Dijkhoff & Sr. Igidio Wernet.

Huntu cu e 4 ganador nan cu a avansa, Sra. Glenda Dacus Marketing & Promotion Manager & Sr. Chalon Farro Game Performance Manager.

E 'DIA DI COLEGIO ARUBANO' EXITOSO TIN CONTINUACION DEN 2020



Den siman cu a pasa, hoben- y lidernan di mundo a papia riba e consecuencianan di cambio climatico. E alumnonan di VWO-4 di Colegio Arubano, tambe a papia tocante e topico aki y a traha un collage cu nan deseongan pa un Aruba cu efecto climatico neutral na 2050, cu yen di idea pa desperdicio, alimento, transporte y energia den futuro.

presentacion di Robert y su Solo Banda Show y Tsunami hunto cu diferen. te DJ. E recaudacion di e reunion ta destina pa mantencion di e edificionan di school

Alumnonan di VWO-4 a debati tocante un Aruba cu efecto climatico neutral na 2050 y a traha un collage cu ideanan pa un clima habitabel.



Esey tabata un di e actividadnan di e 'Dia di Colegio Arubano' riba 20 di september. "Esaki tabata e prome biahia despues di hopi aña, pero otro aña atrobe", asina juffrouw Van Loon, rector di e school a bisa. "Tabata fantastico pa mira con creativo, entusiasma y involucra nos studiantenan y docentenan ta." Pa cada nivel a organiza un programa separa, e.o. speurtocht den Playa, actividad deportivo na San Nicolas y Mangel Halto y sesion di yoga.

Colegio Arubano ta celebra 60 aña di existencia e aña aki, y p'esey a organiza actividadnan pa esnan directamente envolvi cu school. Riba diasabra, 23 di November proximo, lo tin un reunion pa ex-alumno, cu





**Diasabra 5
October 2019**

8or pm -
(porta ta habri 7.30)

Festival

di La Reina y El Rey de la cancion

MEXICANA 2019

A la Grande

dedica na

SEÑOR MIQUEL V/DER LINDE

30 participante acompaña pa
Mariachi Perla di Aruba

Entrada pre benta:
Adulto Afl 25.00 / 2 mucha cu 1 ticket

CLUB CAIQUETIO

Tickets obtenibel cerca tur participante y na:
Shaba Pastry na Noord, Ritz Oranjestad, Top 95 Fm na Sta. Cruz y
Gallo Rojo na San Nicolas

KIWANIS CLUB OF ARUBA SU GALA OF THRONES

TABATA UN EXITO ROTUNDO



Diasabre ultimo, Kiwanis Club of Aruba a tene su fiesta anual di gala pa recauda fondo, cu ta sobresali semper p'e ambiente unico y elegancia cu ta combina cu e tema di e anochi. E aña aki "GALA OF THRONES" a surpasa tur expectativa y resulta un bes mas den un exito rotundo. Na entreda di Renaissance Convention Center tabata tin un trono cu 2 dragon – cortesia di Rafael Scatliffe- caminda esunnan cu a atende e evento por a saca potret. Despues por

a cana riba e red carpet y drenta paden den e sala trasforma caminda e glamour, elegancia y sofisticacion a keda refleha den e decoracion esplendido realisa pa House of Mosaic Event Planners. Sigur nos por cataloga e 'wine gala' di Kiwanis Club of Aruba como un top evento unda cu tur e personanan cu a cumpra un ticket, cu ademas di a contribui pa un bon causa a experiencia un anochi fastuoso.

Un di e highlight di e anochi tabata e

video mapping cu Egmar Irausquin, cu ta e "creative director"na Elite Productions, a crea cu elementonan manera entre otro e dragon y corona di "Game of Thrones" a resulta den un impacto inmenso. Den Renaissance Convention Center e companianan di biña, cocktails y craft beer a presenta nan booth decora cu originalidad den e tema y aki por a conta cu presencia di: Divino cu 19 crimes, Romar Trading cu Concha y Toro mas Ketel One Vodka, Tropical Bottling Company cu Misiones de Rengo mas Patron Cafe, Pepia Est cu Stemmari y Craft Beer Lovers Aruba cu diferente craft beers.

Manera tur e fiestan- an di Kiwanis Club of Aruba e bon musica ta otro highlight, e biah-

aki e combinacion musical poderoso tabata den man di e legendario Robert & Su Solo Banda Show, banda di carnaval 65 Tsunami y e banda di momento Buleria. DJ Edson Tromp a pone esunnan di tur edad goza den style di back to the 80's cu efectonan di luz di ELITE Productions. E Taxi Dancers tambe tabata presente durante e anochi pa baila cu tur e damanan cu kier a subi pista di baile. Pa di cuater aña consecutivo Jean Carlo Espinal a fungi como MC, cu su forma unico di trece animacion a pone un ambiente sin igual.

Den e estilo cu Kiwanis Club of Aruba a presenta 'Gala of Thrones' a duna esunnan cu a asisti riba e diasabre anochi na e fiesta, e oportunidad pa

luci elegancia y estilo cu un toke special den nan vestuario. E premio pa "Best Dressed Couple" a resulta den Ritz y Mike Lopez. Pa "Best Dressed Female" tabata Arnalda Lampe y "Best Dressed Male" tabata Rodney Hernandez. E "door prize" cual tabata un travel voucher balora na AWG 2500 a ser gana pa Shaky Nicolaas - Lacle.

Kiwanis Club of Aruba ta gradici tur e beverage suppliers, menciona, tur e otro sponsors y na cada persona cu a cumpra un carchi di entrada pa nan aporte pa asina yuda haci e evento pa recauda fondo uno exitoso e aña aki atrobe, cu e meta pa yuda nos comunitad y principalmente e muchanan a traves di proyectonan.

IAN, CAYLEE y JUNISHA ganadonan di KINIKI FESTIVAL 2019



E festival tawata dedica na e gran musico y cantante OFO ESCUDERO cu tawata presente acompaña pa su familia. Cantica nan nobo bai-

label a ser presenta den Cas di Cultura. Mc y organizado nan tawata Adonsito Croes y George Winterdaal. Cu presentacion nan

di Gang di Arte "Aladdin", Judson Vrolijk "Kiniki t'e wega", Cristy Kock "Talent show", Dydrikk Wouters "playback show", Diamond Dance "mix show" y Ishmerai Helder "stima", e show tawata un tremendo celebracion di 5 año di Kiniki Festival y Revista Kiniki.

E cuerpo di hurado Raquel Lampe, Sandra van der Linden, Ivan Croes, Xiomara Werleman, Paula Alves R'stap, Emilenne Boekhoudt y Esther Arends tawata tin un trabao dificil pa a saca e ganado nan.

E resultado tawata den CATEGORIA 1:

Ganado: IAN TROMP – Pia para keto (Ronwayne Kock)

Finalista: Xamarah Anthonij

CATEGORIA 2:

Ganado: CAYLEE PIETERS – Nos cumindanan crioyo (Ronwayne Kock)

Finalista 1: MELODIE FRANKEN – Mi tin un vos (Ronwayne Kock)

Finalista 2: KINGSTON TROMP – Ta ami mes ta Kingston (Chinto Croes)

CATEGORIA 3:

Ganado: JUNISHA GROWELL – Baila sin miedo (Martha Figueroa)

Finalista: NINA PEREZ – Bo Pasion (Stephanie Gravenhorst)

Cantante Popular: IAN TROMP

Miho trahe: IVY-ANN BRYSON

Cantante Amistad: SERENA MORRISON

Danki grandi na GLITZ CASINO, Scol di Musica RUFO EVER, MAGIC 96.5FM, ZOOM ARUBA, 22 GELATO, DEPARTAMENTO DI CULTURA di ARUBA, tur colaborado di premio, Prensa di Aruba, TELE ARUBA,, sra. Mieckey Gravenhorst, Ishel Hieroms, Michael Wever, Gabriela Geerman, Kieyon y Naomi Henriquez, Moises Alvarado y famia, tur mayor, compositor y nos dushi participanten.



Dwayne "The Rock" Johnson ta anuncia su regreso na WWE

E actor y luchador Mericano Dwayne Johnson, conoci como "The Rock", a anuncia di 30 di september cu e sima aki e lo bin bek na e "Universo WWE", tras di a anuncia fin di su carera deportivo augustus ultimo.

"Por fin... Mi ta bin cas

bek, na mi universo WWE," Johnson a comunica atrabes di su perfil riba Twitter, un publicacion den cual el ta agrega cu e lo bin bek na e tapijt blauw e anochi di dia 4 di october proximo, den e programa televisivo "WWE Smackdown."



Congreso IAAF Doha 2019



Aruba Athletic Federation (AAF) a caba di participa na e Congreso di Internacional Amateur Athletic Federation cu a tuma lugar September 25 y 26 ultimo na Doha, Qatar.

Aruba a ser dignamente representa dor di Presidente di AAF Sra. Evelyn Farrell y Secretario General di AAF Sr. Nigel Nedd na e congreso ya menciona.

Sra. Evelyn Farrell a postula pa forma parti di e consejo di IAAF caminda cu ela keda na puesto 19

for di 35 candidato y no ta logra drenta e consejo mundial aki asina codicia.

Willie Banks di Estados Unidos si ta logra drenta lokual ta significa cu Stephany Hightower tambe di Estados Unidos mester baha como Tesorera den NACAC Y Sra. Farrell awor ta keda nombra como Tesorera di North American Caribbean Association (NACAC).

Un palabra di pabien na Evelyn Farrell cu e logro aki.





Campeonato Mundial di Atletismo, envolvi den e polemica pa e imagennan for di "angulonan intimo" di e atletanan


Varios atleta a expresa nan indignacion cu e camaranan nobo di prome plano den e Campeonato Mundial di Atletismo celebra na Qatar, cu segunnan, ta mustra nan curpa for di angulonan intimo y ta pone nan sinti incommodo.

E Campeonato a cuminsa dia 27 di september y lo dura te cu dia 6 di october. Den declaracionnan na Bild, e velocista Aleman Gina Luckenkemper, di 22 aña, a lidera e criticanan y a expresa su posicion recurriendo na un pregunta: "Un muhe tabata envolvi den e proceso di e creacion di e camara aki? Mi no ta kere."

Otro atleta Aleman, Tat-

jana Pinto, di 27 aña, kende tambe a participa den e competencianan na Doha, a suma na su colega y tambe a keha bisando cu e no a sinti su mes comodo para riba e camara. E Administracion di e Asociacion Internacional di Federacionnan di Atletismo (IAAF), a presenta e camaranan nobo aki na principio di september y a afirma cu nan lo ofrece "un angulo innovador". "E camaranan na e punto di saluda ta captura e intenso momento prome cu e careda," un directivo di IAAF a splica.

Ta supone cu e fanaticonan di atletismo rond mundo lo ta mas cerca di e deportistanan. Como



resultado di e keho di e atletanan Aleman, IAAF a responde na e peticion di e Asociacion Aleman di Atletismom y a acorda na

cuminsa na censura e vision y solamente transmisi ti imagennan una bes cu e atletanan ta den posicion den e blokinan.

Tambe lo elimina e ima gennan cada 24 ora.

Cardiff mester paga 6 miyon di euro na Nantes pa e Argentino Sala: FIFA

Cardiff City mester paga 6 miyon di euro na Nantes, e suma acorda como prome cobro pa e transferencia di Emiliano Sala, kende a fayece den un accidente aereo na caminda pa e club Gales, FIFA a bisa dialuna.

Despues di firma cu Cardiff pa 15 miyon di sterling pound na januari, Sala lo a biahia pa Wales for di Francia ora cu su avion a cay den e English



Channel.

E curpa di e delantero Argentino di 28 aña recuperaria wordo casi tres siman despues di un buskeda submarino a haya su restonan.

E piloto, David Ibbotson ta sigui desapareci. "E Comite di Status di e Hungadonan di FIFA a establece cu Cardiff City FC mester paga FC Nantes e suma di 6 miyon di euro, corespondiente na e prome quota debi di

un acuerdo di transferencia," FIFA a bisa den un comunicado.

E clubnan tabata tin un disputa riba ki ora mester paga e prome quota y FIFA acuminsa investiga e transferencia di Sala tras di un reclamo di e club Frances na Februari. Ambos club a wordo notifica di e decision dialuna y FIFA a bisa cu por reuri dilanti e Tribunal di Arbitraje Deportivo (CAS).

WASTE HANDLING CLEANING SERVICES

10FT



20FT



30FT



PRIJS DI BAKI:

150-175-200-250

*PRIJS TA DEPENDE DI KI TIPO DI SUSHI

YAMANOS NA:
560 3500 OF 563 4201



Yiu muhe di e cantante Mexicano Jose Jose ta kibra ora e ta papia y ta exigi pa wak su curpa y sa con el a muri

Jose Joel y Marysol, e yiunán mayo di e fayecido cantante Mexicano, Jose Jose, a ofrece un conferencia di prensa for di Miami (Merca), unda cu nan a exigi husticia y pa wak e curpa di nan tata y a lanta contra nan mita rumán, Sarita, kende a cuida e interprete durante un año y mey.

E yiunán di e cantante a denuncia cu nan hermanastra, cu cual nan ta spera di reuni cun'e, a nenga di duna informacion unda e curpa di nan tata ta y riba con y den ki condicionnan el a muri.

"Nos ta sigui sin sa unda e cadaver di mi tata ta, nos ta den un peregrinaje absurdo," Jose Joel, a afirma, añadiendo cu



"Sara a bisa cu el a duna nos informacion, pero no a duna nos nada."

E yiu homber di e cantante a indica cu, ademas di despedi, kier pa nan

realisa un autopisa "patin e informacion cla."

Di su banda, Marysol a denuncia cu na momento el a yega Miami, e mester a busca su tata "manera

un amiga lehano di e meneer."

E yiu muhe di Jose Jose no por a resisti e yoramento ora cu un di e periodistan a referi na e

informacion cu e interprete no a muri den un hospital, sino den un cas di anciano.

"Mi ta exigi husticia. Mi mester wak e curpa di mi tata y awo bo ta bisami esey. Mi no ta bay di aki te ora cu mi rwak e cura y sa den ki condicionnan el a muri,: Marysol a recalca.

Conoci den e mundo di espectaculo como Jose Jose y yama como e "principe de la cancion", e cantante Mexicano Jose Romulo Sosa Ortiz, a fayece dia 28 di september na edad di 71 año den un centro di e ciudad di Homestead na Florida (Merca), como consecuencia di un cancer di pancreas.

Un pareha Britanico ta paga mas di 11 mil euro pa huur di un zolder di luho na Ibiza cu no ta existi



Un pareha di Britanico a descubri cu nan a wordo estafa ora cu nan a yega na Ibiza y a bay na e adres den cual e zolder luhoso ta keda cu nan a huur atrabes di Airbnb y a ripara cu e no ta existi

Ian y Denis Feltham a paga 10 mil pound pa pasa dos siman den un penthouse: un apartamento VIP den un complejo di Boas cu tabata tin hidromassage, baño turco y lift priva.

Pa nan dos cachonan Yorkshire, nan mester a resera un aloamiento adecua 60 kilometer di distancia, cu a costanan 200 pound adicional pa nochi.

E huur a tuma luga atrabes di e conocido portal Airbnb, caminda cu e vivienda ta aparece anuncia pa e compania Lux Travel Collective, e tabata confiable: E tabata tin 37 comentario y tabata conta cu un cualificacion di cinco strea.

Ian Feltham, promotor

di realestate di 75 año, a conta The Times: "Ora cu nos a presenta nos mes, e recepcionista a bisa cu no tabata existi e VIP Penthouse den Las Boas.

Un meneer cu tabata biba den e edificio a bisa cu nan tabata atrae turistanan henter ora y cu ta un gran problema.

Antes di nan yegada na e isla Spaño, e pareha ya a cuminsa preocua pasobra Lux Travel Collective no a avisa nan di e detayenan di nan yegada, e siman anterior y nan tampoco por a comunica cu e numero di telefon di e compania, cu sede na Tailandia. Airbnb a comunica cu e

pareha cu solamente nan por refund e importe paga si e vivienda aparece y no a facilita nan un camber, pa cual e dos turistanan mester a biahia pa Ibiza cu nan dos cachonan.

Finalmente e compania Lux Travel Collective a wordo elimia y Ian y Denise Feltham a logra haya

nan placa bek. Airbnb a bisa The Times: "Nos gestion di e problema aki a cay bao di nos standardnan halto habitual y nos a comunica cu e huesped pa pidi disculpa y paga nan bek den su totalidad."

Turista a accidenta cu Quadracer, pero asina mes Tour Guide a sigui cu e trip



Babijn/Marawiel - Diamars merdia algo prome cu 12'or a sosode un otro accidente, e baha aki tawata durante un di tantisimo Tours diario rond nos isla.

Segun informacion na e sitio, un turista lo a bolter cu un Quadracer.

Un persona den cercania a ofrece mesora si mester yama polis y/of ambulance.

Pa e persona su sorpresa e Tour Guide a bisa di baha cu no ta necesario y eynan mes nan a lanta e Quadracer bek.

Ela instrui e turistanan cu nan ta cla pa sigui y cu otro palabra nada no a pasa.

Programa: ***Preparando pa fin di año 2019***

na Blue FM 107.5 *PREPARANDO PA FIN DI AÑA, sintonise den un ambiente festivo y familiar y cuminuman Navideño pa celebra y skucha y mira tambe "Live"riba nos Facebook Page pa e celebrashon di nos dushi temporada *danki na tur nos casnan comercial cu ta hasi e programa aki posibel y cu

hopi premios nan mas durante e 3 luna y mei di Fin di anja 2019.

***PREPARANDO
PA FIN DI ANJA
2019 DEN BO
CAS***

Abona na **SOL**
De Pueblo awor!

Yama 585-9500 of e-mail nos na solodipueblo@gmail.com

Tur marduga nos ta entrega den bo porta di cas!

Noticia cayente, ta aki bo ta haye!

**Preparando Pa
Fin Di Aña**

Presenta Pa Cecilito Lopes
100 Dia Prome Cu
PASCO

2019



SOLO SALUD



Propiedadnan grandi di wortel tur relaciona cu salud

E propiedadnan di wortel ta hopi y nos por probecha di nan tanto den ambitonan di salud, como di estetica. Debi na su aporte y su resultadonan magnifico ta usa desde hopi aña.

Wortelan a wordo cultiva pa forme biaha den e actual Afganistan miles di aña atras, cu variedadan di color biña, blanco, geel of preto, cu aspecto manera di palo y sabor marga. No obstante, den nada nan tabata parce e actual wortel.

Den siglo XVII a desaroya wortel cu nivelnan halto di beta-caroteno surgiendo e prome wortel color oranje. Desde e tempo ey su auge tabata tal cu di inmediato a descarta e cultivo di e otro especienan.

Kico un wortel ta contene Entre e nutrientenan di e wortel ta destaca:

- Mineral (potassium, sodium, fosforus, calcium, magnesium, hero, zinc, iodium, selenium)
- 90% di awa
- 7% carbohidrato
- 1 gram di proteina
- 3 gram di fibra

Fuera di esey, un wortel ta contene tambe cu un bon cantidad di vitamina C y A, hunto cu vitaminanan di e grupo B (B1, B2, B3, B6, acido folico). Por ultimo, e valor calorico di e wortel ta di 35 kcal pa cada 100 gram.

Propiedadnan di e wortel pa salud

Wortel tin infinidad di componente cu ta yuda den hopi aspecto di salud. Siguientemente lo bo haya algun di su usonan mas frecuente.

Contra cancer

Na steam, herbi, curu, cushina, den blender, of simplemente fresco y na



snack: den e manera cu bo kier us'e lo e resulta hopi beneficioso pa e problema aki.

Wortel ta forma parti di e grupo di alimento cu "efectionan prometedor" den e prevencion di algun tipo di cancer. Hunto cu otro vegetalnan rico den carotenoide, manera spinazie y tomati, por yuda preveni cancer di pecho.

Evita problemanan den wowo


Esaki ta destaca entre e efectonan di mas famoso na loke wortel ta contribui. Su contenido halto di vitamina A ta yuda preveni problemanan den wowo. Preveni e aparicion di catarata, degeneracion macular of ceguera nocturno.

Por supuesto wortel no por yuda alivia problemanan manera miopia of astigmatismo, ya cu t problemanan cu ta rekeri mayor atencion, pero si por yuda preveni nan, cu consumo anticipa.

Come curu ta fortalece diente y encia

Ingeri berdura curu manera wortel ta mehora e riego sanguineo bucal y ta evita di igual manera cu bacterianan ta adheri na e djentenan.

Ademas, e fluor presente den alimentonan manera wortel, spinazie of apel, ta



un mineral fundamental pa mantene un bon estado di esmalte dental y evita aparicion di caries.

Ta yuda controla coles- terol

Hunto na e efectonan beneficioso di wortel den lo referente na un bon salud cardiovascular, e berdura aki ta yuda e organismo na reduci e exesonan di colesterol den sanger. Esaki ta debe na su contenido halto di fibra soluble, specialmente pectina, cu ta evita acumulacion di vet na e banda di e adernan. Esaki ta faborece tambe e eliminacion di e vet aki y e reduccion di e presion arterial.

Ta combati ceramento di barica y dolor di stoma debi na intoxicacion

Danki na su alto contenido den fibra, ta aumenta e cantidad di materia fecal y ta preveni ceramento di

barica, yudando e optimo eliminacion di sushi.

Ademas, e ta calma e molesternan gaastrico y exceso di acides debi na e salnan mineral manera sodium, cloro, potassium y vitamina B complex. P'esey, e ta un alimento hopi recomendabel si bo ta sufri di gastritis.

Propiedadnan diuretico E contenido eleva di awa den wortel y su gran variedad di salonan mineral, ta yuda na e desintegracion di e calculonan renal. P'esey wortel ta un di e elementonan mas habitual den e dieetnan purificador.

Den tur e rasonnan aki, inclui wortel den bo dieet cu lo aporta na gran cantidad di efectonan beneficioso y lo ta un fuente abundante di vitamina y salonan mineral.

Hunto cu otro berduranan, e alimento aki ta un

ingrediente hopi apeteci den cualquier plato saludable y un elemento esencial den e dieetnan ekilibra.

Probecha e preparacion dushi aki

Ya nos sa cu ta hopi manera den cual nos por consumi dicho alimento, pero no tin mas dushi cu un receta pa probecha tur su beneficionan hunto cu e otro ingredientenan.

Crema di wortel

Den cushiona ta hopi comun cu, na principio di un bon almuerzo, presenta algun tipo di sopi, den e caso aki, den crema. Descubri con pa prepar'e y incluy'e den bo cumindanan.

Ingrediente

- 2 wortel
- 3 brocoli
- 1 djente di knoflok
- 1 siboyo grandi
- 2 cup di awa (500 ml)

• Salo na gusto

Preparacion

- Den un wega, basha e awa y demas ingredientenan y pone na stof.
- Ora cu e herbe, tap'e y lag'e reduci na mita.
- Kit'e for di stof y lag'e fria.

- Pone tur cos den un blender y proces'e te ora cu haya un mescla diki.
- Sirbi'e y disfruta.
-

Tur berdura semper lo contribui na un desaroyo sano di nos organismo, asina ta pa no lubida di inclui nan den bo dieet. Aunke por ta cu e sabor di algun di nan no ta di bo agrado, ta existi un gran cantidad di receta cu lo yudabo consumi nan di e maneranan di mas apetitoso.



"Nos no ta core riesgo cu Messi," DT Barcelona ta bisa prome cu enfrenta Inter

E entrenador di Barcelona, Ernesto Valverde, a bisa diamars cu Lionel Messi solamente lo wordo uza den e encuentro contra Inter di Milan pa e Champions League, si e astro Argentino ta den e optimo condicionnan fisico.

E capitan di e conhunto Catalan, cu a wordo cita pa e encuentro di diaranson, a bolbe dialuna na e entrenamentonan tras di a sufri siman pasa un lesion muscular nobo, e di dos di e temporada, den un encuentro pa e liga Spaño contra Villarreal.

"Dialuna el a haci mita

di e entrenamento. Mester wak con e ta. Nos no lo core ningun riesgo (...) Ni cun'e, ni cu (Ousmane) Dembele, kende dialuna ainda a traha menos cu e ekipo," Valverde a afirma, cu a resta importancia na e racha negativo di lesionnan di e conhunto azulgrana.

"Nan ta sigui, pero mi ta spera cu ora nan recupera tur cos bolbe bek na e normalidad. Mi ta prefera di concentra den esunnan cu tey," el a sigura.

Barcelona lo ricibi diaranson Inter den Camp Nou pa e di dos hor-



nada di e fase di grupo pa Champions League,

despues di un deslucido empate sin gol como

bishitante contra Borussia Dortmund.

Griezmann a pidi tempo pa adapta na Barca



E delantero Antoine Griezmann a bisa cu e mester di mas tempo pa adapta na su ambiente nobo di un decepcionante comienzo den Barcelona, cual a wordo transfero for di Atletico Madrid pa 120 miyon di euro.

E Frances no a anota den seis di su ocho partido y a wordo critica pa e pober desempeno di Barca e temporada aki, den cual su ekipo a suma solamente 13 di 21 punto pa

La Liga di futbol di Spña.

"Mi a caba di yega di otro filosofia di hunga, otro posicion riba veld. Mester siña cos y mehora nan.

Cambia di movimiento. Esaki den dos luna bo no por tin shen shen," Griezmann a bisa periodistanan prome cu e partido di e azlungrananan cu Inter de Milan diaranson pa Grupo F di Champions League.

"Mi ta sinti mi mes bon

y cu confiansam peor mi sa cu ainda mi falta cosnan pa ta e miho Griezmann posibel, pero mi ta riba e bon caminda," el a afirma.

E lesionnan di e astro Argentino Lionel Messi, e Uruguayo Luis Suarez y e Frances Ousmane Dembele a haci cu Griezmann a hunga den seis posicion ofensivo diferente e temporada aki y e delantero a isa cu ta comprendibel cu ainda e no ta na e punto ey.

"Semper ta mas dificil cu bahanan manera Ousmane, Leo, Ansu y tin baha Luis..."

Esey ta haci mas dificil pasobra nos no por train hundo. Nos mester busca e miho manera di hib'e," el a comenta.

E cuater ekiponan di Grupo F tin un punto, despues cu Barcelona a empata 0-0 como bishitante contra Borussia Dortmund y Inter a iguala 1-1 na cas, contra Slavia Praga.

Barca a derota Inter 2-0 den Camp Nou e temporada pasa, pero e Italianonan a mustra un bon rendimento bao di direc-

cion di Antonio Conte y ta lidera Serie A despues di a gana su prome seis partidonan.

**WASTE HANDLING
CLEANING SERVICES**

**SCEPTIC TANK
(7 CUBE)**

**PRIJS SPECIAL
AWG 75,-**

**YAMANOS NA:
560 3500 OF 563 4201**

Ta adverti cu koffie por converti den un producto schaars y di luho debi na e cambio climatico

E efectonan di e cambio climatico ta afectando negativamente e produccion di koffie. Den e sentido aki, un di e bebidanan mas popular na mundo, pronto por converti den un luho raro, e organisation Fairtrade a adverti den un informe. En general, entre 2012 y 2014, e productonan di America Latina a experimeta e pio brote desde e decada di 1970 di e enfermedad di roya di e blachi, tambe denomina roya oranje.

Esaki a provoca perdianan grandi di cosecha, e publicacion ta agrega. E granonan di koffie Arabico ta e principalnan cu a sufri di plaga y malesa. Den un entrevista cu PA Media, Catherine David, directivo di Fairtrade,

a menciona algun di e factornan devastador pa salud y e calidad di e granonan di Arabica na Peru, un di e principal productornan mundial di koffie organico; esakinan ta e temperaturaran extremo, e aumento di humedad y e plaganan, Independent ta cita.

Como resultado di e tormentanan tropical y inundacion di e teranan provoca pa e cambio climatico, e produccion di koffie den e area aki a reduci di 80 pa 20% solamente den e ultimo cinco añanan, el a agrega.

Na e mesun momento, expertonan ta subraya cu e superficie necesario pa e cultivo di koffie ta extremadamente limita, y ta pronostica cu hasta e mita di e tera actual-



mente uza pa cultiva granonan lo keda inutilisable pa 2050.

Di e manera aki, e productornan di koffie cu na mundo ta 25 miyon di persona, ta haya nan mes obliga na recuri na

otro fuentenan di entrada mientras cu nan ta lucha pa cosecha cultivonan saludabel.

Den e sentido aki, Catherine David ta sigur cu e decision di e productonan di bandona nan finca cu

ta provoca cu e koffie ta converti "den un producto 'premium' solamente pa esnan cu por permiti disfruta di dje," simplemente pasobra "no lo bay tin suficiente."

Presidente di Peru ta disolve Congreso pa no considera denega e cuestion di confiansa

E presidente di Peru, Martin Vizcarra, a reslove dialuna e disolucion di e Congreso di e Republica door di considera denega e cuestion di confiansa planteaq pa e Ehecutivo.

E Congreso a eligi dialuna un miembro nobo di e Tribunal Constitucional (TC) sin debati e recurso constitucional presenta

pa e mandatario cu e objetivo di purba para e proceso aki.

Parlamento tabata tin premira eligi seis di e shete miembronan di e organismo aki y ya a avansa den e designacion di uno, Gonzalo Ortiz de Zevallos, kende a logra e 87 votonan pa ta magistrado.

E cuestion di confiansa



lo a propone e modificacion di e proceso di elecion di candidatonan na TC, bao di e argumento di cu, di lo contrario, no lo realisa di manera transparente.

E Fujimorismo, opositor na Vizcarra, tabata tin e mayoria absoluta. Mas di 70 congresista ta pertenece na e forsa aki y

hunto cu aliadonan a reuni mas di 80 miembro, den un congreso unicameral di 130 legislador.

Pa Vizcarra, e ora, den e eleccion di parlamentarian lo a busca pa designa magistradonan "cu ta responde na su interesban, cu no ta e interesnan di e nacion."

"Finalmente ta e pueblo

tin cu dicidi. E ciere cu mi ta dispone ta dentro di mi facultadnan conteni den e Constitucion.

Dando fin na e etapa aki di entrampamiento politico. Cu nan defini den e urnanan di e futuro di e pais," e presidente a manifesta den un discurso cu el a lesa for di e Palacio di Gobierno.

S O L O
Di Pueblo

BRIYANDO FUERTE • TRECENDO CLARIDAD

Tipline: 585 9500

e-mail: solodipueblo@gmail.com

"Nan no a haci nada na Haiti": Miles di familia bandona den reasentamiento pa ONG's despues di casi 10 año di e temblor



Casi dies año despues di e temblor cu a asota Haito, e nacion Caribense ta sigui ta sin recuperar.

Miles di familia a traslada na campamento of reasentamiento oficial manera esun di Corail-Cesslesse, cu e speransa di haya un luga pa biba.

Awendia simplemente nan ta sobrevivi den luanan unda cu tur cos a keda na mita y lo unico evidente ta e falta di servicio.

Nan ta e cara di e ineficiencia di e Gobierno Haitiano y e imagen curu di e fracaso di numeroso organizacionnan internacional y ONGnan stranhero.

E Haitianonan ta pidi e renuncia di e presidente Jovenel Moise, pa e crisis politico y economico cu ta afecta e pais.

Un ekipo di RT a biahate eynan pa comproba e efecto di e miles di miyones di dollar aporta pa e organizacionnan stranhero pa reconstrui e pais.

"No a haci nada"

"No a haci nada. Nan a bisa cu nan lo bin traha scol, hospital, pero nan no a haci nada (...) tur cos ta cuestion di placa, placa, placa," Diejuste Etrenne a afirma, cu, hunto cu su yiu muhe, a yega na Corail-Cesslesse atrai pa e proyecto habitacional impulsa pa e Ehecutivo Haitiano.

Mientras cu personanan manera Etrenne a denuncia cu tur a keda riba papel muha, e Gobieno Haitiano a laba man pa e gestion y ta bisa cu no a controla e asistencia financiero cu e pais lo a ricibi.

Casi tur e ayudo di emergencia a canalisa atrabes di e organizacionnan internacional. Mayoria di e miles di familia a traslada te na e asentamiento aki pasobra e Gobierno a declara e tera di dominio publico y e organizacionnan internacional y ONG's stranhero a cuminsa na construi viviendanan transitorio.

Prome cu e terremoto di 2010, na luganan manera

Corail-Cesslesse no tabata tin nada. Ni cas, ni hende.

Tur cos a cuminsa lanta di zero, manera di zero tambe e habitantenannan a cuminsa nan reconstrui nan bida.

ONG sinonimo di abandono

Despues di e temblor, Haiti a converti den un di e paisnan cu mas organizacionnan no gubernamental pa habitante di henter mundo.

Miles di ONG a yega na e pais mas pober di America Latina. Den actualidad, nan ta sinonimo di abandono.

Personanan manera Saintil ta afera na fe pa mira e futuro cu speransa. E homber aki ta reconoci cu, den un prome momento, e organizacionnan a traha casnan transitorio, pero e mayoria a converti den permanente.

"E ONG ta e responsabel di esakinan. Nos bida ta doloroso. Nos ta nos so. Nos no tin ayudo. Solamente nos tin cas,

pero nada mas. Nan a traha e baño y esey ta tur cos. Pa haci esaki nos mester traha nos mesun cosnan, pero no tin nada, nada," Saintil ta relata.

E necesidad di miles di

habitante a desborda e plannan di e proyecto cu a cuminsa casi un decada pasa y den cual ta premira construi mercado, cayan an asfalta y genera miles di trabao den e zona.

E ONGnan internacional tabata testigo cu cada luna cu pasa, tabata yega mas hende pa haya un cas.

"Loke nos ta spera cu tabata un soño, nunca a realisa. Despues di 10 año ainda e ta pio," Patrick Zama, kende a hiba su familia pa Corail-Cesslesse lamentando cu e pesadiya bibi durante e temblor lo a caba.

Mira di p'aflo, e imagen institucional di apoyo di e organizacionnan internacional y di miles di ONG ta wak cu hopi bon wowo, pero e opinion aki ta diametralmente opuesto ora cu bishita e reasentamiento oficial.

Dienstregeling artsen IMSAN OKTOBER 2019

Dr. Boderie, E
Dr. de Cuba, M
Dr. Every, B
Dr. Giel, D
Dr. Linden v/d, J

Dr. Ramautar, K
Dr. Tromp, J
Dr. Veringa, E
Dr. Vis, S
Dr. Wever, M
Dr. Winterdal, N

MA	30 Sep	VERINGA
DI	01	VIS
WO	02	WEVER
DO	03	WINTERDAL
VR	04	DE CUBA

MA	07	EVERY
DI	08	GIEL
WO	09	V/D LINDEN
DO	10	RAMAUTAR
VR	11	TROMP

MA	14	VERINGA
DI	15	VIS
WO	16	WEVER
DO	17	WINTERDAL
VR	18	DE CUBA

MA	21	EVERY
DI	22	GIEL
WO	23	V/D LINDEN
DO	24	RAMAUTAR
VR	25	TROMP

MA	28	VERINGA
DI	29	VIS
WO	30	WEVER
DO	31	WINTERDAL
VR	01Nov	DE CUBA

WEEKENDDIENST

05 – 06 OKTOBER
12 – 13 OKTOBER
19 – 20 OKTOBER
26 – 27 OKTOBER
02 – 03 NOVEMBER

- * EVERLY
- * GIEL
- * V/D LINDEN
- * RAMAUTAR
- * TROMP

SERVICIO Y COMPRA

Santa Cruz BARBERSHOP
Mon-Fri: 8AM-9PM • Sun: 9AM-6PM
T1.600-6673 • T2.592-1880

Cilantro's Grill Menu

Breakfast - Lunch - Dinner

CUMINDA CRIYOY
Sopi di Dia Special
Pa Pedidos: 594 0635

Maduro Heavy Equipment N.V.

Pa tur tipo di santo, piedra y graniet
Pa trabao di rosamento y cobamento
di fundeshi of Pos

Tin special riba diasabra

Rooi Bosal 49

Tel: 5851708/5943207/5931608



Situa na
Santa Cruz 266
Tel: 566-4478

TA FURA

MATRAAS, MUEBLES,
STOEL DI AUTO
ORANGE MATRAAS FABRIEK

HOPI DESCUENTO

40% Y 50%,
MERCANCIA NOBO
TARABANA SOLO 5

593-4387 OF 588-7468

Bo dak ta lek?

Yama

560-8568 of 585-0185

tambe ta hasi trabaow di coriente- verf -
welder- metsla- carpinte - kap mata
haci cura limpi



Abona na **SOLO** De Pueblo awor!



Yama 585-9500 of

e-mail nos na solodipueblo@gmail.com

Tur marduga nos ta entrege den bo porta di cas!

Noticia cayente, ta aki bo ta haye!



Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Kiningin Wilhelmina Fonds	582-0412

NUMBER SOLO DI LOTTO Cambiendo bda...

Lotto Merdia	October 1	Lotto Anochi	October 1
CATECHI Sorteo # 2699	9537 6347 4170	CATECHI Sorteo # 2699	7987 4010 0212
BIG 4 Sorteo # 755	8049 1OFF	BIG 4	9025 1OFF
ZODIAC Sorteo # 2699	0992 8472 Leo	ZODIAC	8256 9514 VIRGO
LOTTO DIA	October 1 06 18 19 23 29	LOTTO 5	September 28 03 12 17 23 30 11 F
LOTTO MEGA	October 1 08 14 25 26 07		

Noord Korea ta dispara varios proyectil no identifica pa e lama di Hapon

Noord Korea a manda proyectilnan no identifica pa e lama di Hapon, segun e Ehercito di Zuid Korea a informa dia 2 di october.

E lansamentonan aki lo a wordo realisa for di e ciudad portuario Noord Coreano di Wonsan. Seoul a difundi e informacion aki oranan despues cu e Canciyeria di Noord Korea a an uncia cu e pais lo reanuda dialogo cu Merca, respecto e desnuclearizacion di e peninsula Koreano.



Tipline: 585 9500

e-mail: solodipueblo@gmail.com

WEEKEND DI DESCUENTO

JAYSANNE BOUTIQUE

Pos Chiquito 110 - 5841600

DESCUENTO TE CU 50%

Riba tur paña - October 3, 4, 5



ESPN+ ta adkiri derechonan di Bundesliga pa Merca for di 2020 pa 2026

ESPN+, e servicio di "streaming" di deporte di Walt Disney Co. lo transmiți e Bundesliga na Merca desde e proximo tempora te cu e mundial di 2026, tras di a adkiri e derechonan televisivo di e liga di futbol Aleman pa un periodo di seis año, e partinan a bisa dialuna. E acuerdo cu lo cuminsa na augustus di 2020, lo dura un año mas cu uno premira cu FOX y lo extende te na e Mundial cu lo wordo organisa pa Merca, Mexico y Canada. "Nos tabata tin discusionnan extenso cu varios parti. ESPN+ ta e mas reciente revelacion den e servicionan di streaming," e presidente ejecutivo di Bundesliga inter-



national, Robert Klein, a bisa Reuters den un entrevista.

"Tabata cla cu desde e inicio cu ESPN y ESPN+ lo comaprti nos vision

ambicioso. Como innovadornan den e industria di e deporte, ambos ta motivia pa entrega contenido altamente atractivo na e fanaticonan."

Den e Bundesliga actualmente ta hunga e mayor cantida di futbolistanan Mericano (11) entre e principal liganan Europeo.

"Alemania a sigui ta un fuente importante di talento pa seleccionnan nacional futuro di Merca," Klein a agrega.

Cu mas di dos miyon di subscriptor actualmente, ESPN+ por atrae hasta 12 miyon di usuario cu planan paga prome cu fin di e año fiscal 2024, Disney a bisa.

E ingresonan pa difusion di Bundesliga a alcansa 1.240 miyon di euro den e temporada 2017-18, genera principalmente pa acuerdonan di derecho di e liga na nivel naciona.

Klein no a duna deta-yenan di con e acuerdo cu ESPN+ lo afecta e cifra aki.

Exhefe di CONCACAF Sanz a keda inhabilita pa semper door di soborno: FIFA



Enrique Sanz, exsecretario general di CONCACAF - entre rector di futbol Norteamericano - a wordo inhabilita pa semper di tur actividad relaciona cu futbol, despues di a wordo haya culpabel di soborno, FIFA a anuncia diamars. Sanz a wordo declara culpabel di negosha

soborno den competencianan organisa pa FIFA, CONCACAF, Union Caribeño di Futbol (CFU) y e Confederacion Suramericano di Futbol (CONMEBOL) entre 2012 y 2015.

Tambe el a wordo multa cu 100 mil franco Suiso pa FIFA.

BBQ DI NESTOR.

Siribana 45a na "Sta Cruz"

₡ 7497071 OF 5690131

PRONOSTICO DI TEMPO VALIDO TE DIARANSON 02 DI OCTOBER 2019

COMPILA:

DIAMARS 01 DI OCTOBER 2019 17:00 (21:00 UTC)

-UN RECORDATORIO/ALERTA TA BAI PA PUBLICO EN GENERAL PA TENE CUENTA CU NOS TA DEN E EPOCA DI MAS CALOR DI AÑA I CU E SENSACION DI CALOR POR JEGA 38 TE 42 GRADO (°C) DURANTE E EP-OCA AKI.

TEMPO:

AWE ANOCHI: LEVEMENTE TE PARCIALMENTE NUBLA CU CHENS PA UN AWACERO PASAJERO DEN MARDUGA I MAYAN: PARCIALMENTE NUBLA CU CHENS PA LOCALMENTE ALGUN AWACERO.

TEMPERATURA MAXIMO 33 GRADO CELSIUS
TEMPERATURA MINIMO 27 GRADO CELSIUS

BAHADA DI SOLO : 6:29 PM
SUBIDA DI SOLO : 6:29 AM.

BIENTO:

FOR DI DIRECCIONAN ENTRE OOST- NOORDOOST TE ZUIDOOST I MODERA;
FORSA 3 TE 4 (12 TE 30 KM/ORAS, 7 TE 16 NUDO)
DEN DIA OF DURANTE DI AWACERO POR TIN RAFAGANAN BASTA FUERTE TE POSIBLEMENTE FUERTE; FORSA 5 TE 6 (31 TE 50 KM/ORAS, 17 TE 27 NUDO)

SITUACION GENERAL DI TEMPO:
DEN PROXIMO 24 ORA, HUMEDAD I INSTABILIDAD INDUCI PA UN DISTURBIO DEN NIVELNAN MAS ABOU TE MEDIO DI ATMOSFERA CU TA MOVE POCO POCO BAI WEST, LO PRODUCI MOMENTONAN CU MAS NUBIA. FOR DI ESAKINAN POR SPERA ALGUN AWACERO CU POR BAI ACOMPAÑA PA LAMPER CU STRENA.
LOCALMENTE AWACERO POR TA FUERTE I CAUSA ALGUN MOLESTER.

CONDICION DI LAMA:
OLANAN DI LAMA LO TA FOR DI DIRECCION OOST CU HALTURA DI 2 TE LOCALMENTE 5 PIA. LABADERANAN FOR DI OOST CU TA BEZIG TA VERZAK TA DRENTANDO AWANAN REGIONAL. NA USUARIONAN DI LAMA I OPERADORNAN DI BOTO CHIKITO TA WORDU AVISA PA TENE CUENTA CU ESAKI YA CU LAMA POR TA LOCALMENTE BRUTO NA AREA DI COSTA AHINDA. E AVISO PA BOTO CHIKITO LO WORDU CANCELA MAYAN MAINTA 6'OR.
FENOMENONAN SPECIAL: NINGUN TEMPO TROPICAL SIGNIFICANTE:

-HORCAN "LORENZO" TABATA MOVE NOORDOOST RIBA AWANAN DI ATLANTICO CENTRAL I NO TA UN PELIGRO PA AREA DI CARIBE.


POTENCIAL DI AWACERO PA PROXIMO 24 ORA: 3 TE 10 MM; LOCALMENTE POR TA MAS.

REGISTRACION DI TEMPERATURA (°CELSIUS) Y AWACERO (MM) DEN ULTIMO 24 ORA:

AIRPORT MAX 33° / MIN 28° / 6.2 MM

PRONOSTICO DI TEMPO PA PROXIMO TRES (3) DIANAN:
PARSIALMENTE NUBLA CU LOCALMENTE UN AWACERO.
BIENTO LO TA MODERA TE BASTA FUERTE FOR DI GENERALMENTE OOST.
TEMPERATURA MAX / MIN LO TA: 34° / 28°

SUDOKU



Sopi di Letranan



ABUNDANTEMENTE	CONSIGO	ESPIRITU	PEQUEÑO
ACONGOJADA	CORAZÓN	FAMILIA	PETICIÓN
ACOSTUMBRADO	DEMANDADO	FINEES	RAMATAIM
ADORARON	DERRAMADO	IRRITABA	RAMÁ
AFLICIÓN	DESTETADO	ISRAEL	RUEGO
AMARGURA	DIGIERE	JEROHAM	SACERDOTE
ANA	DIOS	LLORABA	SACRIFICIO
BECERROS	EFRATEO	MAGNITUD	SAMUEL
BORRACHA	EFRÁIN	MATANDO	SILO
CASA	EJÉRCITOS	MUJERES	SIMIENTE
CERRADO	ELCANA	OBSERVANDO	TOHU
COMPETIDORA	ELÍ	OFNI	VNIERE
CONCIBÓ	ENTRISTECIÉNDOLA	OTORGUE	ZOFIM
CONGOJAS	ESCOGIDA	PAZ	ZUF
CONOCÍO		PENINA	

20 Kangaroo ta muri gedal na Australia

Den e ciudad di Merimbula (New South Wales, Australia), a comete un "acto di crudeltad" contra animalnan ora cu nan a dal y a mata te cu 20 kangaroo e anochi di dia 28 di september ultimo, polis di e region Australiano a señala.

Nan a sufri e atake aki hasta e crianan, aunke Janine Green, un voluntario di e Servicio di informacion, Rescate y Educacion di e Bida Silvestre, medionan local a confirma cu tres ehempular a sobrevivi y ta bao di cuidado veterinario.

E version cu ta maneha

e defensoran di animal ta cu ta trata di un dalmamento intencionada. Green a recorda cu e anochi aki tabata tin futbol y hopi hende tabata bebiendo, asina ta cu e ta alegra cu "ningun hende mester a cana bay cas" y a sufri e mesun suerte cu e marsupialnan.

E voluntario aki, cu a acudi na e luga di e hechonan despues di a ricibi e aviso di autoridadnan, a confesa cu "e hendenan tabata hororisa" pa e imagenan "desgarador" di e cadaver di e animalnan mas stima pa e Austra-



liananan.

Polis ta investiga e hechonan y ta pidi na cu-

alkier cu tin informacion riba e caso pa nan comunica cu e recherhenan lo-

cal pa haya e responsabelnan di e suceso aki.

E prins heredero Saudita ta bisa di ta di acuerdo cu Pompeo cu e atakenan contra e refinerianan ta un "acto di guera di Iran"



Anteriormente, e secretario di Estado di Merca, Mike Pompeo, a cualifica di "acto di guerra" e atake lansa dia 14 di september contra dos refineria Saudita, cu Washington ta atribui na Iran. E Republica Islamico ta rechasa e acusacionnan y ta desmarca e atakenan.

Den un programa di e cadena ABC, e hefe di diplomacia Mericano a sigura cu su pais ta desea "un solucion pacifico" di e situacion.

No obstante, a adverti cu "si nos no tin exito den esey, y Iran

sigui ataca di e forma aki, mi ta sigur cu presidente Donald Trump lo tuma e decisionnan necesario pa logra nos obhe-

PUEBLO A HAÑA SU PEN BEK

 Pa kualquier informacion
solodipueblo@gmail.com
 of
585-9500

Ta haya un cabes humano den un caha den un vivienda di Spaña



Autoridadnan Spaño a arresta un muhe, madruga di diasabra tras di a haya un cabes humano den un caha, na su turno haya den un cas di e municipio di Castro Urdiales (Spaña).

Parse cu e detenido lo a entrega e caha na un amiga, kende, tras di a haya un fuerte holo cu a bin di e pakete, a dicidi habri'e y a descubri un craneo, pa cual a haci denuncia di inmediato di e hecho, medionan local a informa.

Te na e momento no a confirma oficialmente e identidad di e victim. Sin embargo, informen-

preliminar ta señala cu por trata di un homber di 67 aña, pareha di e muhe arresta, kende ta desapareci.



DEN BIJBEL DIOS TATA TA PROHIBI MARKAMENTO DI TATUAHENAN Ariba CURPA

Awendia, ta hopi hendenan inocente, ta laga nan marka diferente tatuahenan ariba nan curpa. No ta pasobra cu tin hendenan ta haci esey, pero bo mester comprende bon, cu no ta tur cos ta bon den bista di Dios. Den Bijbel ta bisa bon cla, cu Dios no ta acepta y ni aproba markamento di tatuahenan ariba curpa. Den Bijbel Levitico 19:28, Dios Tata ta bisa bon cla: "No haci cortanan ariba boso curpa pa e mortonan y ni marka boso curpa cu tatuahenan." Dios ta stima nos tur, pero Dios kier pa nos reconoce nos errornan di nos mal decisionnan y di e consecuencianan cu ta bini. Hopi di e tatuahenan tin caranan diabolico, cara di cadaver, simbolonan diabolico, tatuahenan bulgar etc.. Tur e cosnan aki, ta perjudica e spirito di e persona. Otronan tin tatuahenan di flornan, caranan inocente of di obhetonan stranjo, pero e compromisonan haci pa e tatuahenan aki, ta un pika y un ofensa contra di Dios Tata. Den Bijbel Deuteronomio 14:1, Dios Tata ta bisa bon cla: "Yave, Dios di bosonan tin boso pa Su yiunan. No marka boso curpa y ni corta boso cabey na frenta pa un morto." Akinan Dios Tata ta prohibi totalmente, di marka boso curpa cu tatuahenan. Tatuahenan, cortanan ariba curpa y feita cabes pelon, tin nan origen diabolico y nan raisnan den witchcraft. Hopi hende no ta realisa, cu e tatuahenan ariba curpa por habri e porta pa influencianan diabolico den nan bida. Den Bijbel Revelacionnan

13:16 y 17: "E diabel lo haci cu tur hende, grandinan y chikitinan, rikonan y pobernan, libernan y esclavonan haya e marka na nan man drechi of ariba nan frenta. Ya cu ningun hende no por cumpra y nibende, si e no ta marka cu e nomber di e bestia of cu e numbernan di su nomber." Tin hopi hendenan awendia no ta realisa y cu nan lo lamenta y nan lo haya duele, cu nan a escohe pa pone tatuahenan ariba nan curpa. Tin algun hendenan cu tin bon plaka pa bay otro pais den clinicanan, pa nan por kita e tatuahenan cu laser. Cristo-Hesus ta adverti nos, den Bijbel 1 Corintianan 6: 19 y 20: "Boso no sabi cu boso curpa ta tempel di Spirito Santo? Dios a duna boso Spirito Santo y Spirito Santo ta biba den boso. Boso no ta di boso mes. Dios a cumpra boso y e prijs ta paga! Usa boso curpa anto pa glorifica Dios." Tur esnan cu a marka nan curpa cu tatuahenan inconciente y nan tin duele di esey, anto nan por haci nan reconciliacion cu Dios pa medio di e Sacramento di Reconciliacion. Esaki ta pa nan por tin e pas spiritualmente cu Dios. Pesey spierta otronan, pa nan no marka nan curpa cu tatuahenan, pasobra tur hende cu a marka nan curpa cu tatuahenan concientemente, nan lo no drenta den e Reino di Dios despues di morto. Pero nan lo wordo purifica den e purgatorio, di tur nan errornan y di tur nan mal decisionnan, prome cu nan por drenta den e Reino di Dios.

YIUNAN REBELDE Y DESOBEDECIDO NO TA JEGA MUCHO LEW DEN NAN BIDA

Den e di 4 Mandamento di Dios Tata ta bisa: "Honra bo tata y bo mama." Akinan Dios Tata ta pidi, pa nos honra tata y mama den tur sentido. E palabra honra ta significa, obedece, duna balor, duna aprecio y duna respet. Den Bijbel Colosensesan 3: 20, Dios Tata ta bisa: "Yiunan, obedece boso mayornan den tur cos, pasobra esey ta gustoso na Senjor." Tambe den Bijbel, Efesionan 6: 1-5; Dios Tata ta bisa: "Yiunan, obedece boso mayornan manera ta agrada Senjor, pasobra esey ta correcto. E Mandamento ta bisa: Honra bo tata y bo mama, pasobra si bo obedece e Ley aki, anto lo bo tin un bida felis y lo bo tin un bida largo ariba mundo y esey ta e prome di e Mandamentonan cu Dios ta conecta den un promesa." Den e palabranan di Dios aki, yiunan di tur edad mester obedece nan mayornan, sin importa si nan mayornan ta merece e honor of no. Ta con ta posibel cu awendia yiunan no ta tende di nan tata y di nan mama mas y e yiunan sa bisa; cu tata y mama no

tin nada di bisa, ta nan tin e amistad cu nan kier y ta nan ta bay biba companja of casa cu ken cu nan kier. E yiunan ta bisa, ta nan ta escohe y tata y mama no tin nada di bisa nan etc.. Yiunan desobedecido ta escohe y ta anda cu personan robes den nan bida y laat of trempnan nan ta cay den e libertinahe sexual, den biba companja, den sali na estado, nan ta cay den actividadnan di mundo, nan ta cay den bicionan di droga y di alcohol, nan ta sera amistad cu personan homosexual y lesbiana y nan ta biba pa biba den nan pikanan grandi etc.. Yiunan soberbia y desobedecido no ta jega mucho lew den nan bida y nan lo no haya e felicidad den nan mesun familia. Pasobra e honramento y e obediencia na tata y na mama, ta un Ley di Dios e ta y e ta scirbi den Bijbel. Si un yiu no ta tende y no ta obedece su mayornan, anto ta Dios Tata mes e yiu ta desobedec, pasobra e ta un Ley. Un yiu rebelde lo haya e castigo di Dios y e yiu lo no haya e felicidad den su bida

[Efesionan 6: 15]. Cristo Hesus ta adverti den Bijbel Mateo 5: 17 y 18: "No kere cu Mi a bini pa kita Ley y Profetanan, Mi no a bini pa kita sino pa trece cumplimento. Pasobra en berdad Mi ta bisa boso, mas liher ainda cu cielo y tera lo cambia, pero ningun gota y ningun punta di Ley lo no bay perdi, prome cu tur cos a sosode. Den Bijbel Proverbionan 1: 8 y 9, Dios Tata ta bisa: "Yiunan, tende di boso tata y di boso mama y no rechasa e consehonan di boso mama. E consehonan di boso mama lo ta boso corona den boso bida y boso lo hibele semper cu boso, manera un collar precioso." Den Bijbel Mateo 7: 21, Senjor Hesus ta adverti: "No ta cada hende cu ta bisa Mi: Senjor, Senjor lo drenta den e Reino di cielo, ma esun cu ta haci boluntad di Mi Tata cu ta na cielo." Corda bon, cu nunca un yiu no ta mas grandi cu su tata y su mama.

Un mensahero di Dios

ORACION DI DIA

Un dia bendiciona rumannan y cu Dios mustra nos Su gloria

"Anto subi sero, bay busca palo y reconstrui mi tempel. E tempel lo ta na Mi agrado y aki lo Mi mustra Mi gloria." (Hagai 1,8)

E Palabra di Dios awe ta importante pasobra nos ta wak den e lecturanan cu Señor ta wak cu e pueblo no ta tuma tempo pa reconstrui su tempel. Señor a wak cu nan tawata biba den casnan luhoso y biba na grandi, pero tur esey ta bay den un bari sin bom y Señor ta ordena nos pa bay y busca loke cu mester pa reconstrui su tempel y e tempel lo keda na Su agrado y E mes lo mustra Su gloria. (Hagai 1, 1-8) Laga nos no perde tempo pa busca pa reconstrui nos tempel interior pa e por ta na agrado di Señor. Ban pidi Spirito Santo pa ilumina nos cu Su luz, saca tur loke ta seuridad y trece e claridad den nos bida. Laga nos para cla pa gosa di e triunfo di Dios Su gloria. Ban dun'E alabanza y alab'É den asamblea di Su fielnan, alaba Su nomber cu baile y canta salmo p'E cu arpa y tamborein (Salmo 149). Den e Evangelio nos por lesa cu Herodes a keda confundi. Pasobra e no conoce Hesus y e ta busca pa conoce y asina hopi di nos tambe no sa ken ta Hesus y nos mester siña door di nos rumannan cu si conoce pa hiba nos cerca dj'E pa nos por dun'E tur Honor y Gloria y alab'E te den tur siglo y siglonan.

Oracion: Señor laga nos tur cu tin gana di conoce Hesus manera Herodes, reconstrui nos tempel pa nos por conoce Bo y agrada Bo y duna Bo tur Honor y Gloria.

Amen.

Abona na awor!
Yama 585-9500 of

e-mail nos na solodipueblo@gmail.com

Tur marduga nos ta entregue den bo porta di cas!

Noticia cayente, ta aki bo ta hayel

Lista di e 30 participanten den festival Mexicana 2019, dia 5 October 2019 den Club Caiquetio

Cumpra bo ticket serca tur participante, na Top 95 fm, Gallo Rojo, Shaba Pastry y Rits na Boulevard

